

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 22/ 06/ 2025

CM

འབྲས་ལྗོངས་ དང་ རྡོ་རྗེ་གླིང་གི་ རྟོན་ལས་ རྒྱལ་ཁབ་ Cadet Core (NCC) གི་ Group Commander Bregideor Mukesh Gurung གི་ ད་རིང་ རྡོ་པའ་ གཙོ་ཕྱི་ གློན་པོ་ Prem Singh རྟ་དམག་ མཉམ་ཆེ་ ཁོང་གི་ གཞུང་འབྲེལ་ འཛིན་ཁང་ མེ་ཏྲག་སྒང་ ན་ མཇལ་བོ་ མིན། དུས་སྐབས་ འདི་ ན་ གཙོ་ཕྱི་ གློན་པོ་ དང་ Bregideor བར་ ན་ ཐོན་མཁན་ བཀའ་མཉམ་ ན་ NCC གི་ མ་འོང་པའི་ ཉེན་སྐྱོར་ལས་ དང་ ལས་རིམ་ ཨོ་འདི་ ལུ་ རྟོན་ལས་ གཞན་པོ་ ལུ་འདི་ ལང་ལེན་ལོ་ དྲིང་དྲིང་ བཟོ་ཤད་ མན་འདྲ་བོ་ ཐབས་ལམ་ ལུ་ སྐྱོར་ལས་ རྟོན་ཆེན་ རྒྱུ་ལེན་པོ་ ལྷན་རབ་ བྱས་ཤད་ དང་ རྟོ་རམ་ ཐབས་ལམ་ སྐྱོར་ལས་ ཨང་ བྱུང་ཏིན་ གནང་བོ་ སྤང་ དུས་སྐབས་ འདི་ ན་ རྒྱལ་ཁབ་ ལུ་སྤྲོད་ འཛིན་སྐྱོང་ NHPC མཉམ་ཆེ་ འབྲེལ་བའི་ གཏམ་ལུ་ ལོ་ ཐབས་ལམ་ བྱས་ཤད་ མངའ་སྡེ་ གཞུང་གི་ མཐུན་འབྲེལ་བོ་ ལ་བ་ཏི་ གས་པོ་ གེལ་མཁན་ Pawan Pasai གི་ ཡང་ གློན་པོ་ གཙོ་པོ་ ལོ་ ཕྱག་པོ་ མིན། གཙོ་ཕྱི་ གློན་པོ་ གི་ Pasai ལོ་ དགའ་བ་ བོན་བཞིན་ འདི་ རྒྱལ་ཆེན་ ལུ་ རྟོན་ལས་ ཁོང་ ལྷང་ལོ་ སྤོ་ ཏིག་ཡོད་པོ་ གསུང་བོ་ མིན།

GLACIAL HAZARD

ཆོད་ རྒྱག་ཏི་ འོང་ཤད་ ཉེན་ཁའ་ འབྲེལ་སྡེ་ འབྲས་ལྗོངས་ འཛིན་སྐྱོང་ གི་ ཆོ་པོ་ ཅིག་ གི་ གདང་ གཙོ་ཕྱི་ གློན་པོ་ Prem Singh རྟ་དམག་ ལོ་ ཁོང་གི་ གཞུང་འབྲེལ་ འཛིན་ཁང་ མེ་ཏྲག་སྒང་ ན་ ཆོད་ རྒྱག་ཏི་ འོང་མཁན་ རྟོན་པར་ (GLOF) མཉམ་ཆེ་ ལུ་ཕྱད་ ལས་ འབྱུང་མཁན་ བར་ཆད་ ཉེན་ཁའ་ བགཟུགས་ བྱས་ཤད་ ན་ མངའ་སྡེ་ གི་ བྱས་བཞིན་ ཡོད་མཁན་ ཐབས་ལམ་ བྱས་ཤད་ ན་ མངའ་སྡེ་ གི་ བྱས་བཞིན་ ཡོད་མཁན་ ཐབས་ལམ་ སྐྱོར་ལས་ ཡར་རྒྱས་ གཡོག་ ལུ་ དང་ ཐག་བཅད་ འཆར་གཞི་ སྐྱོར་ལས་ ལོན་ ཕུལ་བོ་ སྤང་ སོང་མཁན་ ལོའི་ Sept ཟླ་པོ་ ན་ ལུ་མཁན་ Cabinet གི་ ཐག་བཅད་ རྒྱལ་ལས་ ཆོ་མཁན་ འཛིན་སྐྱོང་གི་ གཙོ་འཛིན་ མིང་ཆེན་ མཆོན་རིག་ མཁན་ Dr. Akhilesh Gupta གི་ དབུ་ཁྱི་ ན་ ཡོད་མཁན་ ཆོ་པོ་ ན་ རྒྱ་གར་ གང་རྒྱུད་ གི་ མཁས་པོ་ ལུ་ ཡོད་པོ་ མིན། Commission འདི་ ལས་ ལུ་ཕྱད་ ལས་ འབྱུང་མཁན་ ཉེ་ཁའི་ ཞིབ་ཐུང་ རྒྱབས་ཤད་ མཆོན་རིག་ མཁན་ data ལུ་འདི་ ཡོད་ལུ་ དང་ འབྲས་ལྗོངས་ གི་ ཉེན་ཁ་ ཅན་ གང་རི་ ས་གཞི་ གི་ སྤང་སྤྱོད་ རྟོན་ལས་ གཡོག་འགན་ འཆར་གཞི་ བཟོ་ཤད་ ཕྱག་ལས་ ཕུལ་ ཡོད་པོ་ སྤང་ མཇལ་བའི་ སྐབས་ ན་ ཆོ་པོ་ གི་ གཙོ་ཕྱི་ གློན་པོ་ ལོ་ མན་འདྲ་བོ་ ཐབས་ ཡོད་པོ་ སྐྱོར་ལས་ ལོན་ ཕུལ་བོ་ མིན། ག་འདི་ ན་ ད་སྟེ་ སང་སྟེ་ སྤང་མཁན་ ཐོ་ཤད་ གས་ ཆོ་པོ་ ཕུལ་ཁའི་ ཡོང་དོམ་ ཞིབ་ཐུང་ དང་ ཕུལ་ཁའི་ ཡོང་དོམ་ ཞིབ་ཐུང་ དང་ ཕུལ་ཁའི་ མི་རྟེ་ མཆོན་རིག་ མཁན་ ལས་ཁུངས་ དང་ གཞུང་འབྲེལ་ འཛིན་སྐྱོང་ མཉམ་ཆེ་ གི་ སྤོམ་ཤོས་ བསྐབ་བྱ་ ལུ་ ལ་འབམ་ ཡོད་པོ་ སྤང་ གཙོ་ཕྱི་ གློན་པོ་ སྤྱུ་ཞབས་ རྟ་དམག་ གི་ འཛིན་སྐྱོང་ གི་ བཟོན་ཤོས་ ཆེན་པོ་ དང་ ཡོང་དོམ་ རྒྱབ་ཏུ་ གཡོག་ རྟོན་ལས་ དགའ་བ་ ཕུལ་བོ་ མིན། ཁོང་གི་ དུས་སྐབས་ འདི་ ན་ གསུང་བོ་ མིན་ - ང་ཅག་ གི་ ལོན་མཁན་ ལུ་བ་ བསྐབ་བྱ་ ལུ་ ལས་ ང་ཅའི་ མངའ་སྡེ་ གི་ བཟོན་བའི་ གཏམ་ དང་ ཕུལ་ཁའི་ མི་སར་ གི་ སྤང་ ལོ་ བྱས་ཐུང་ གཏང་རྒྱུད་པོ་ བྱས་དགོས་ ཤད་ རྒྱལ་ཆེན་ མིན། སྤྱུ་ཞབས་ རྟ་དམག་ གི་ གསུང་བོ་ མིན་ - ང་ཅའི་ མི་རྟེ་ གི་ སྤང་སྤྱོད་ རྟོན་ལས་ འདི་ ཐབས་ལམ་ ལུ་ གི་ བྱས་ཐུང་ བྱས་ཤད་ རྟོན་ལས་ འབྲས་ལྗོངས་ གཞུང་གི་ ཡོང་དོམ་ གས་ལས་ དམ་བཅའ་ ལོན་ ཡོད།

CONSECRATION – CEREMONY

སྐར་ཏྲོག་ རྡོ་ལའི་ རག་དོང་ ན་ གསར་བོ་ ཞིང་ རྟོང་མཁན་ Dzongchen Tenzing དགོན་པའི་ འགོ་ཕྱི་ ལྷན་འབྲེལ་ ལས་རིམ་ ད་རིང་ ཐོན་པོ་ མིན། Kyabjee Ship Rinpoche མཆོག་ གིས་ རྒྱལ་ཆེན་ མཇལ་ཁ་ མཉམ་ཆེ་ བཞག་མཁན་ ལས་རིམ་ ན་ འབྲས་ལྗོངས་ གིས་ Miwang རྒྱལ་སྤྱི་ དཔལ་ལྷན་ རྒྱུར་མེད་ རྣམ་རྒྱལ་ མཆོག་ དང་ སྤྱད་བྱས་ འབྲས་མི་ Samdup Tshering Bhutia གི་ འདི་ ན་ སྤྱད་འགན་ ལེན་པོ་ མིན།

IEC CAMPAIGN

ཕྱི་ཆོ་ བྱིམས་ ལོག་ཏུ་ གི་ རོ་འོག་ ན་ གསོ་རིང་ མི་རྟེ་ འཕྲོད་བསྟེན་ དང་ ལོག་ཏུ་ ལས་ཁུངས་ གི་ ལོན་འབྲེལ་ ཤེས་རིག་ དང་ རྒྱབ་བྱ་ འཆར་གཞི་ སྤང་ཆེད་ བྱས་པོ་ མིན། མི་རྟེ་ རྒྱབ་གཤམ་ བྱང་ལེབ་ གི་ ཞེན་ རོ་ཤེས་ མཁན་ དང་ རི་ཆོ་ ཆེན་པོ་ ཕུལ་ ལ་བ་མཁན་ Chumbung Gram Panchayt ཕུལ་ཆོ་ ན་ བཞག་མཁན་ འཆར་གཞི་ Chumbung གི་ BDO R.K Gurung གི་ སྐྱོན་དོན་ གཙོ་པོ་ ཐོན་ ལུ་ སྤང་ GPU གི་ མི་སར་ རྒྱུ་པོ་ སྤོབ་ཕྱག་ ལུ་ བྱང་ལའི་ མི་སར་ རྟད་པོ་ ལུ་ མཉམ་ཆེ་ ཁོང་ལུ་ ཟ་ཆོང་ གི་ རྒྱུ་ལེན་ མཁན་ ལས་རིམ་ ན་ གསར་པོ་ Aadhar Card གི་ རྟོན་ལས་ མིང་ཐོ་ རྒྱུ་པོ་ སྤང་ དུས་སྐབས་ འདི་ ན་ ཐོབ་ཤོས་པོ་ ལུ་ ལོ་ PM AJAY Card ཕུལ་བོ་ མཉམ་ཆེ་ རིག་ཁའི་ འཕྲོད་བསྟེན་ སྐྱོར་ལས་ བསྐབ་བྱ་ བྱོན་པོ་ མཉམ་ཆེ་ I.B དང་ NCD ན་ཆོ་ ལུ་འདི་ ཞིབ་ཐུང་ ཡང་ ཐོན་ འདུག། མི་སར་ ལོ་ ལས་རིམ་ ན་ མན་འདྲ་བོ་ ཕྱི་ཆོ་ ལོག་ཏུ་ ལས་རིམ་ འཆར་གཞི་ དང་ Central Scholarship མཉམ་ཆེ་ Tusan Card སྐྱོར་ལས་ ལོ་ ཕུལ་ འདུག།

EPFO

ཕྱག་ལས་ གནང་མཁན་ གཡོག་མི་ PFO གི་ ལོ་ འདིའི་ April ན་ འབྲས་ ༡༩ ལས་ སྤྱད་པོ་ གསར་བོ་ འབྲས་མི་ ལུ་ EPFA ཐུད་ ཡོད། འདི་ སོང་མཁན་ ཟླ་པོ་ གི་ བཟོན་སྤྱར་ ན་ རྒྱ་ཆ་ ༩༡.༩༡ ལས་ སྤྱད་པོ་ བར་པོ་ སྤང་ གཡོག་མི་ དང་ སྤྱད་པོ་ གློན་ཆོ་ ཁང་ རྟོན་བཞིན་ གསར་བོ་ འབྲས་མི་ ལུ་ ན་ འབྲས་ ༩ ལས་ སྤྱད་པོ་ བཟོ་ ལུ་ ཡོད།

SPORTS

འབྲས་ལྗོངས་ Veteran Table Tennis རྒྱ་པོ་གི་ ལྷ་པོ་འདི་གི་ ཆོས་ 25 དང་ 27 ན་ འབྲས་ལྗོངས་ Veteran's Open དང་ under 15, under 17 Table Tennis Champion 2025 བཞག་ཤང་ ཐག་བཅད་ ལོན་ ཡོད། Sunaulo, Samridha དང་ Samartha འབྲས་ལྗོངས་ གྱི་ མོག་ཡིག་ ན་ དཔལ་འབྱོར་ རྒྱེད་ཐང་གི་ Indoor Gymnasium Hall ན་ བཞག་ཤང་ ཐོན་མཁན་ བདོན་ཕུར་ ན་ འབྲས་ལྗོངས་ མངའ་ཕྱེ་ ཚོམ་ཏི་ ལོ་ 40 ལོང་པའི་ ལས་རིམ་གི་ ཞལ་ ཅིག་ ཞིན་བོ་ སྤང། གསར་ཤོག་ ཀོ་ རྒྱ་བཟུ་ ན་ ད་རིང་ གསུང་ཤང་ གནང་བཞིན་ རྒྱ་པོའི་ གཙོ་འཛིན་ BB Subba གི་ རྒྱ་པོ་གི་ Championship བཞག་ཤང་ དོན་ལས་ ད་ཀྱི་ ཡོད་པོ་ གསུང་ ཡོད། སྤྱི་ཞབས་ Subba དོན་བཞིན་ Championship ན་ གས་ གཞན་ ལས་ མངའ་ཕྱེ་ ན་ མགོ་ དང་པོ་ རྩོལ་དཔོན་ ལྷིའི་ 7 དང་ ཆགས་ གས་ གི་ ཡུང་ཏའ་ བདོན་ཕུར་ ཡོད་པོ་ ཞིན། བདོན་ཕུར་ ན་ ལོ་ཆད་ 20 40 དང་ 44 ལས་ རྒྱུ་པོ་ ལུ་ དང་ ལུ་མའི་ single དང་ doubles མཉམ་ཆེ་ mix doubles གི་ བདོན་ཕུར་ ལྷི་ ཡོད་པོ་ ཞིན། དེ་རང་ ལུས་ བདོན་ཕུར་ གི་ Open གས་ན་ ལུ་ དང་ ལུ་མའི་ single དང་ doubles མཉམ་ཆེ་ ལོ་ཆད་ 74 དང་ 76 ལས་ རྒྱུང་པོ་ བོ་ཙོ་ ལུ་ དང་ ལུ་མོ་ ལྷིའི་ single དང་ double བདོན་ཕུར་ ལྷི་ ཐོན་ཤང་ ཞིན།

WEATHER

མངའ་ཕྱེ་ ན་མ་ལ་ རིགས་གསར་ ལས་ལག་ གི་ ལུན་བའི་ Report རང་ལྟར་ ད་རིང་ རྒྱང་ཏྲག་ དང་ མཐའ་ཉིད་ ས་ཆ་ འདི་ལྷི་ ན་ ཆ་ཆད་ མང་དགས་ 25.7°C དང་ ཆ་ཆད་ ལུང་དགས་ 72.7°C record གནང་ ཡོད། ཐོ་རང་ ཆོས་ 23 ཉིན་ ཆ་ཆད་ མང་ དགས་ 22°C དང་ ཆ་ཆད་ ཉང་ དགས་ 74°C ཐོན་ཤང་ གྱི་ ལུང་ གནང་ ཡོད།